

UMondli noMwali bavakashela ugogo wabo

Violet Otieno
isiZulu



UMondli noMwali babehlala edolobheni nobaba wabo. Babelangazelela amaholide. Hhayi nje ngoba izikole zazivaliwe, kodwa ngoba babevakashela ugogo wabo. Wayehlala edolobhaneni eduze nedamu elikhulu.





UMondli noMwali babejabule ngoba kwasekuyisikhathi sokuvakashela ugogo wabo futhi. Ngobusuku bangayizolo, bapakisha izikhwama zabo balungisela indlela eya edolobhaneni lakhe. Kwakungavumi balale futhi baxoxa ubusuku bonke ngeholidi.



Ngakusasa entathakusa baqonda edolobhaneni behamba ngemoto kababa wabo. Badlula izintaba, izilwane namaplazi. Babehamba bebala izimoto becula amaculo. Emva kwesikhathi, izingane zakhathala zalala.

Ubaba wavusa uMondli noMbali lapho befika edolobhaneni. Bathola uNobuntu, ugogo wabo, ephumule ocansini phansi kwesihlahla.



UNobuntu wabemukela emzini wakhe ezungeza indlu ecula futhi edansiswa injabulo. Abazukulu bakhe babethokozile ukumupha izipho ababebuye nazo edolobheni.

“Qala ngokuvula esami isipho,” kwasho uMondli.

“Hhayi, esami kuqala!” kwasho uMbali.



Emva kokuvula izipho, uNobuntu wababusi abazukulu bakhe. UMondli noMwali baphuma bayodlala. UNobuntu wasala nendodana yakhe baxoxa ngomndeni nangezinye izindaba.





Sekuhlwile, uMondli noMwali babuyela
endlini beyothola isidlo sakusihlwa.
Basebozela, bengakaqedi nokudla.
Ngakusasa, uyise wezingane wabuyela
edolobheni washiya izingane noNobuntu.



UMondli noMbali basiza ugogo wabo ngokwenza imisebenzi yasendlini emincane. Bakha amanzi batheza izinkuni. Bathatha amaqanda ezidlekeni zezinkukhu babuye bakha imifino engadini.



Ngelinye ilanga ekuseni uMondli wakhiphela izinkomo zikagogo edlelweni. Zagijima zangena eplazini likamakhelwane. Umlimi wathukuthela wasonga ukuzibopha zingaphumi ngoba zidle izitshalo zakhe. Emva kwalokhu uMondli waqinisekisa ukuthi azisophinde zingene enkingeni.

Ngelinye ilanga izingane zahamba
noNobuntu zaya emakethe.
Wayenetafula lapho wayethengisa
khona imifino, ushukela nensipho. uMbali
wayethanda ukutshela
abathengi inani lezinto
azithengisayo. UMondli yena
wayesonga impahla ethengwe
abathengi.



Kodwa amaholide asheshe aphela.
Kwasekufanele ukuthi izingane zibuyele
esikoleni edolobheni. uNobuntu wapha
uMondli ikepisi kanti uMbali wamuphi
ijezi. Wabapakishela umphako wendlela
ebuyela ekhaya.





Babengasafuni ukugoduka, lapho ubaba wabo efika ezobalanda. Bancenga uNobuntu ukuba ahambe nabo aye edolobheni. Wamoyizela wathi, “Sengimdala kakhulu ukuthi ngingahlala edolobheni. Kodwa ngiyobe ngilindele ukuthi ningivakashele futhi ngeholid eelizayo.”

UMondli noMbali bavakashela ugogo wabo

Writer: Violet Otieno


Illustration: Catherine Groenewald

Translated By: Margaret Nokuthula Zondi

Language: isiZulu



© African Storybook Initiative, 2015



This work is licensed under a Creative Commons Attribution
(CC-BY 4.0) Version 4.0 International Licence

Disclaimer: You are free to download, copy, translate or adapt this story and use the illustrations as long as you attribute or credit the original author/s and illustrator/s.

Saide 
South African Institute
for Distance Education

www.africanstorybook.org
A Saide Initiative